



SAOPĆENJE ZA JAVNOST

Lokalni izbori 2020. godine Podignuta još jedna optužnica u Brčkom

Brčko, 9. jun 2021. godine

Tužilaštvo Brčko distrikta BiH podiglo je optužnicu protiv Slavka Blaževića (58)* zbog sumnje da je prije održavanja lokalnih izbora 2020. godine u ovom gradu pripremao izvršenje krivičnog djela prevare pri glasanju. On je optužen da je pribavljanjem ličnih dokumenata većeg broja lica i njihovim prijavljivanjem za glasanje iz Hrvatske i Srbije stvarao uslove za izvršenje tog krivičnog djela fiktivnim glasanjem iz inostranstva.

Tužilaštvo Distrikta optužilo je Blaževića da je u namjeri da na prevaran način osigura glasove za kćerku, koja je tada bila zastupnik u Skupštini Distrikta s ponovnom kandidaturom na tu funkciju, prijavio više građana za glasanje iz inostranstva. Blaževiću je stavljeno na teret da je od većeg broja lica s prebivalištem u distriktu Brčko pribavio kopije ličnih dokumenata, te ih prijavio na adrese u Hrvatskoj i Srbiji radi glasanja putem pošte. Na osnovu toga Centralna izborna komisija BiH je na listu registriranih za glasanje izvan BiH upisala petnaestoro lica, dok je za šestoro prijavljenih odbila prijave - navodi se u optužnici. Po prvoj tački, on je optužen da je stvorio uslove da na prevaran način iskoristi glasačke listiće da bi na izborima glasao umjesto prijavljenih građana, a po drugoj da je to pokušao u odnosu na lica za koja je CIK odbio prijave.



Po otkrivanju neregularnosti Blažević je odmah pritvoren zbog sumnje da je nabavio sredstva i preduzeo drugu radnju koja stvara uslove za neposredno učinjenje krivičnog djela za koje se može izreći kazna zatvora tri godine ili teža kazna, odnosno da je to pokušao učiniti. Po okončanju istrage protiv njega je pred Osnovnim sudom Distrikta podignuta, a zatim u cijelosti i potvrđena, optužnica za produženo krivično djelo *Pripremanje krivičnog djela (iz člana 333 Krivičnog zakona Brčko distrikta BiH)*. Podsjetimo da je za slično pripremanje prevare pri glasanju nedavno na kaznu zatvora od dva i po mjeseca pravosnažno osuđen Stojan Bavarčić (30), te da je pred ovim tužilaštvom u toku još nekoliko istraga povezanih s izornim procesom iz 2020. godine.

*Preduzimanje radnji krivičnog gonjenja prema određenom licu ne znači da je to lice zaista i odgovorno za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica.

GLAVNI TUŽILAC
ZEKERIJA MUJKANOVIĆ